

清朝文獻通考

(一)

浙江古籍出版社

清朝文獻通考  
(一)

浙江古籍出版社影印

# 清朝文獻通考

(全二冊)

\*

浙江古籍出版社出版·發行

(杭州武林路125號)

上海市印刷七廠印刷

(上海市永明路153號)

\*

開本787×1092 1/16 印張165.25 印數1200

1988年11月第一版

1988年11月第一次印刷

\*

ISBN 7-80518-045-8/Z·11

定 價： 87 元

皇朝文獻通考凡例

一是編恭載

國朝體國經野規模宏遠

列聖奎章宸翰昭耀簡編

皇上聖訓及

御製詩文凡有關典章政治悉依類備書冠於各篇之

首用示

典則昭垂為萬代致治保邦之成式

一我

朝田賦之制

世祖章皇帝除明季加派之弊定賦役全書嗣是

列聖相承勤恤民隱蠲浮賦慎丈量所定科則至詳至當

至八旗王公以下各有莊屯田地其園撥之制交

糧之額載在會典謹備書以彰

昭代之洪規焉

一自

國家龍興東土創鑄錢文以資民用嗣是寶泉寶源

之設輕重協宜圖面精好各省局爐座或設或停

隨時調劑運者西陲底定復頒錢式於同部各城

開鑄乾隆通寶錢俾荒服之氓咸昭法守按馬考

敘錢幣以刀布為下則秦漢以後皮幣龜貝皆滯

於行使兩宋兼用楮幣其制起於交子會子元明

則沿用寶鈔

國家錢貨充盈無藉鈔法之用故順治年間雖暫時

行用旋即停止則有錢無幣實為我

朝良法若白金之用始於漢武之白選六朝迄唐交

廣之域兼用金銀金時鑄銀名承安寶貨此以銀

清朝文獻通考 凡例

為幣之始前明中葉始令稅糧得收納白金其用益廣我

朝銀錢兼權為上下通行之幣茲纂於銀色之高下

銀直之輕重均按類備載

一馬考戶口一門備載歷代戶口丁中賦役附以

奴婢我

國家初立編審法以稽人民之類後定為五年一舉

丁增而賦亦隨之

聖祖特頒恩詔自康熙五十年以後滋生人丁永不加賦

其直省丁徭多寡不等沿明代之舊有分三等九

則者有一條鞭徵者有丁隨地派者有丁隨丁派

者後皆次第改隨地派俾無業之民永免催科之

累至八旗壯丁日益繁庶編審之淨載於會典謹

備書以昭豐鑄之隆

一續文獻通考內市羅考因宋元猶沿市易以平

準庫之遺是以仍依舊目編列今則通商惠工至

周至悉並無所謂均輸和買和糴之事自合刪去

舊目悉依

昭代實政按年謹書較若畫一

一外夷職貢馬考並未詳載我

朝肇基東土德威遠播漠北蒙古諸部歸附最先嗣

是東至朝鮮西至番藏湖南暨訖奔走倍來莫不

測海占風享王畢至

皇上布昭聖武用迪

前光平定準回兩部拓地二萬餘里並合歲輸貢賦他若

左右哈薩克東西布魯特諸藩亦皆稽顙來朝奉

表入貢邇者兩金川底定土司等分班入覲人無

定員物無定額總期於厚往薄來綏靖邊隅實為

亘古所未有茲纂於中土貢物謹遵戶工兩部則

例其需用物件悉由各直省地方官支款置辦者

具列於篇至外藩諸國梯航所屆効輸輸忱度越

千古敬稽成例依類備陳以見

大一統之治云

一馬端臨選舉考內有童子科一門我

朝人崇實學並無童子科之設無從載入謹刪除不

列

一我

朝雅化作人首崇學校自宗室以逮八旗京邑以達

直省下逮重譯要荒靡不漸仁摩義因地因人俾

之講肄有業跡踰有禁至於明考校之條申衡取

之例定制義之準革沿襲之弊選教職以慎司訓

頒經書以宏文教尚騎射繕譯以遵

祖制

飭監臣學臣及守土有司新士習以端化俗之本

謨訓煌煌實足昭

教思於無窮若夫

臨雍講學重道尊師養老引年示民孝弟之意皆惟其實

不惟其文則又

列聖相承移風易俗迥非三代以下所可幾及茲纂謹依

馬考而變通其例用以徵教化之實云

一是編宗廟考稿本於乾隆二十七年恭

進奉

上諭續文獻通考館纂進稿本朕閱宗廟考一門內附

入致祀歷代帝王及本朝臣下家廟顧名思義於輯

考四八四七

書體例何居蓋既以宗廟冠部則惟

太廟時祫典有專崇方稱經常不易至

奉先殿之禮重家庭

壽皇殿

安佑宮

永佑寺之虔奉

神御於宗廟考中敬從附載尙爲不失禮以義起之文若

摭入歷代及臣下非惟其制絕不相蒙揆之分門本

義亦復何取即云承宋臣馬端臨原編舊式而往代

儒生之識於大典未克折衷盡善類此者正復不少

又豈得違禮而曲泥之朕意當於宗廟考專門備詳

定制外其餘不應附入者別入羣廟考一門隸之俾

名義既得所安而其書亦足垂遠館臣可錄朕旨並

登卷中臣等恭釋

諭旨仰見 皇上聖裁超越明禮辨分至當至精今敬遵

訓示於宗廟考外別立羣廟考首載

歷代帝王廟次

歷代帝王陵次諸神祠蓋我

列聖崇德報功衰勳節馨香溥薦典禮攸隆

皇上特命以明恭閱惠皇帝入廟享祀近復敬體

聖祖仁皇帝諭旨增祀兩晉南北朝後五代創守各主至

前明諸陵亦不靳百萬帑金重加修葺仰見

大聖人之用心實與天地同量至特輯殉節諸臣錄勝國

遺臣皆得上遊

天鑒槩爲表章沛格外之 深仁扶倫常之正氣尤爲簡冊所未有云

一恭釋

聖祖仁皇帝御製律呂正義一書首明黃鍾度分體積倍

半相生相應之理較古尺九寸得今尺七寸二分

九釐以定黃鍾徑圍長短之數而八音之屬成繪

圖列說以昭法守我

皇上重輯律呂正義後編考律審音論倫悉協乾隆己

卯冬江右得古鑄鐘十一圖以獻

皇上釐定其名復令樂部依式仿鑄

御製銘詞鑄垂永久鐘成復令採和闐之玉琢爲特磬

以儷鑄鐘宮懸遂備他若鼓吹鑾歌臨雍釋奠鄉

飲酒禮靡不審此樂音章曲大備以復古一字一

音之法茲纂謹按類記載用彰

昭代雅樂之盛

一馬考於兵制內列車戰一門雖意在遵用古法

第按之事實猶井田封建之不可復行且我

朝八旗之設經武馭兵馳電學旣斷不事此虛文

自無庸更仍舊目茲纂亦削而不列

一自 欽定四庫全書哀集宇內典籍定爲著錄存目兩類兼

命排入聚珍刊播遐邇洵

冊府之鉅觀藝林之盛事茲纂謹遵四庫成規分爲

經史子集四門

列聖御製

御纂

欽定之書

皇上御製詩文集

欽定各書並恭列

本朝成書之首至著述諸臣仍載其姓氏官闕或前

人論斷有神本書考訂者亦約載數家略符馬考

之例

一馬考論封建之不可行者其語極詳顧封建之

制不可行而封爵之制不可廢自唐宋以來大抵

祇存封爵之名馬氏仍列封建一門且引魏徵柳

宗元蘇轍之說用著於冊蓋存封建之名卽以示

封建之戒實其用意所在我

朝折衷成法封而不建爲萬禩不易之常經茲纂雖

仍依馬考舊名至卷中按條標目則別稱封爵以

紀其實

一我 朝憲天齊政靈臺推步之法視昔加詳

聖祖仁皇帝御製考成上下編

世宗憲皇帝御製序文殫晰源流

頒賜欽天監講肄我

皇上增定後編重製儀象凡古法之失傳與西法之積

歲參差者隨時釐正所以揆天察紀明時正度俾

象緯昭然耳目至纖至悉茲纂仿馬考舊例取近

今實測之數理與前代迥異者備著於篇

一我

朝丕基式廓分土辨方自不得拘牽成例以古州郡

名號取冠輿圖茲纂自

京師

盛京而外爲省一十有八分置各府以領諸縣諸州

則參列其間或直隸如府或分治如縣至各邊外

之地北自大清山左右爲蒙古諸部至喀爾喀地

南自五嶺外爲廣東廣西及各土州地東北自  
盛京境外爲吉林黑龍江等地西南自四川境外爲  
雲南及青海西藏地正西則自安西境外至於流  
沙而禹迹已盡其在天山北路則有烏魯木齊伊  
犁等地天山路則有喀什噶爾葉爾羌和闐等  
地自昔所稱近有龍堆遠則蔥嶺天所以界別區  
域者今則建官授職因地屯田耕牧方輿邊氓樂  
業故凡地名之因革增省皆以見今爲準以示墓  
置星羅之盛焉

一我

國家統一函夏四裔賓服

皇上繼承

鴻烈平定準夷回部闢疆二萬餘里皆隸版籍東西南朔  
固已跨越西瀛廣遠絲邈什百前代茲纂凡獻琛  
奉朔及互市諸國悉詳其山川風俗總分四正方  
位以符馬考舊例視王圻續考內增東南西南二  
面分隸之處悉多牽牽者實大相逕庭矣

皇朝文獻通考凡例

清朝文獻通考

凡例



職名

三通館總裁

經筵日講起居注官大學士兼翰林院掌院學士臣 福璜

經筵講官吏部尚書管理國子監事務臣 劉墉

兵部尚書臣 王杰

經筵講官戶部尚書管理順天府尹事務臣 曹文植

纂修兼總校

日講起居注官翰林院侍講學士臣 曹仁虎

翰林院侍講學士臣 蔡廷衡

翰林院編修臣 祝德麟

武英殿纂修翰林院編修臣 陳嗣龍

翰林院編修臣 黃濂元

翰林院編修臣 陳昌齊

翰林院編修臣 翟槐

纂修兼校對官

日講起居注官翰林院侍講學士臣 陸伯焜

署日講起居注官翰林院侍講學士臣 吳璉

翰林院侍講學士臣 陳萬青

翰林院編修臣 勵守謙

翰林院編修臣 秦泉

翰林院編修臣 李潢

翰林院編修臣 余集

翰林院編修臣 汪鏞

翰林院編修臣 王春煦

翰林院編修臣 徐如澍

翰林院編修臣 戴均元

翰林院編修臣 周瓊

翰林院編修臣 吳錫麒

翰林院編修臣 程昌期

翰林院編修臣 甘立猷

翰林院編修臣 劉汝馨

翰林院編修臣 秦承業

翰林院編修臣 俞廷楡

翰林院編修臣 王受

翰林院編修臣 盧蔭溥

翰林院編修臣 萬承風

翰林院編修臣 茹棻

翰林院編修臣 邵瑛

文淵閣檢閱內閣中書臣 顧宗泰

翰林院庶吉士臣 陳萬全

翰林院庶吉士臣 王錫奎

翰林院庶吉士臣 賀賢習

翰林院庶吉士臣 溫汝适

翰林院庶吉士臣 崔景儀

翰林院庶吉士臣 李驥元

翰林院庶吉士臣 朱依昃

翰林院庶吉士臣 程嘉謨

原任翰林院侍講候補主事臣 莊承篋

原任翰林院庶吉士臣 鄭應元

滿纂修官

理藩院主事臣 巴達爾呼

工部筆帖式候補小京官臣 齡椿

候補筆帖式臣 嵩年

內閣貼寫中書臣 明達

提調官

內閣

侍

文淵閣校理 武英殿提調翰林院檢討臣 彭元珮

收掌官

翰林院筆帖式臣 庫蒙額

翰林院筆帖式臣 鶴麟



武英殿修書處刊刻

皇朝三通諸臣職名

總理

和碩

儀親

王臣永璠

經筵講官太子太師領侍衛內大臣大學士世襲騎都尉臣慶桂

總裁

經筵日講起居注官太子少師大學士世襲雲騎尉臣戴衢亨

經筵講官戶部左侍郎兼左翼總兵官臣英和

提調

戶部右侍郎管理錢法堂事務署吏部左侍郎臣陳希曾

都察院

山東道

監察御史臣吳雲

河南

陳州府

知府臣李振鸞

校對

國史館總纂

文穎館總纂

會典館纂修

翰林院編修

臣陳鴻墀

國史館纂修

文穎館纂修

功臣館纂修

翰林院編修

臣姚元之

翰林院編修

臣朱瑋

翰林院編修

臣徐松

翰林院編修

臣石棟元

翰林院編修

臣胡敬

翰林院編修

臣費丙章

翰林院編修

臣朱榮

翰林院編修

臣黃中模

翰林院編修

臣穆彰阿

翰林院編修

臣陳傳經

翰林院編修

臣恩

翰林院編修

臣謝

翰林院編修

臣熊常鈔

翰林院編修

臣蔣詩

翰林院編修

臣翟

翰林院編修

臣彭邦疇

翰林院編修

臣黃旭

翰林院編修

翰林院編修

臣劉榮黼

翰林院編修

臣李振庸

翰林院編修

臣孔傳綸

翰林院編修

臣俞肯堂

翰林院編修

臣馬志燮

翰林院編修

臣黃崇光

翰林院編修

臣董琬起

翰林院編修

臣王依仁

翰林院編修

臣曾

翰林院編修

臣辛炳星

翰林院編修

臣王

翰林院編修

臣謝

翰林院編修

臣實

翰林院編修

臣田

副貢

生臣陶象珮

拔貢

生臣唐瀛士

副貢

生臣李炳彥

優貢

生臣李疇

副貢

生臣蔡鴻燮

拔貢

生臣徐開裕

副貢

生臣萬有干

監造

內務府坐辦

堂郎中兼參領

佐領臣長申

內務府郎中兼參領

佐領臣克蒙額

正監造

員外郎臣永清

副監造

副內管領臣經文

委署

主事臣敬謙

六品銜

庫掌稿筆帖

式臣玉廣

皇朝文獻通考總目

田賦考 凡十二卷

卷一至卷十二

錢幣考 凡六卷

卷十三至卷十八

戶口考 凡二卷

卷十九至卷二十

職役考 凡五卷

卷二十一至卷二十五

征權考 凡六卷

卷二十六至卷三十一

市糴考 凡六卷

卷三十二至卷三十七

土貢考 凡一卷

卷三十八

國用考 凡八卷

卷三十九至卷四十六

選舉考 凡十六卷

卷四十七至卷六十二

學校考 凡十四卷

卷六十三至卷七十六

職官考 凡十四卷

卷七十七至卷九十

郊社考 凡十四卷

卷九十一至卷一百四

羣祀考 凡二卷

卷一百五至卷一百六

宗廟考 凡十二卷

卷一百七至卷一百十八

羣廟考 凡六卷

卷一百十九至卷一百二十四

王禮考 凡三十卷

卷一百二十五至卷一百五十四

樂考 凡二十四卷

卷一百五十五至卷一百七十八

兵考 凡十六卷

卷一百七十九至卷一百九十四

刑考 凡十六卷

卷一百九十五至卷二百十

經籍考 凡二十八卷

卷二百一十一至卷二百三十八

帝系考 凡七卷

卷二百三十九至卷二百四十五

封建考 凡十卷

卷二百四十六至卷二百五十五

象緯考 凡十二卷

卷二百五十六至卷二百六十七

物異考 凡一卷

卷二百六十八

輿地考 凡二十四卷

卷二百六十九至卷二百九十二

四裔考

卷二百九十三至卷三百

臣等謹案

皇朝文獻通考三百卷乾隆十二年奉

敕撰初與續文獻通考共為一編乾隆二十六年以前

朝舊事例用平書而述

昭代之典章錄

列朝之

詔諭

尊稱

鴻號禮應敬謹擡行體例迥殊難于畫一遂

命自

開國以後自為一書其續通典續通志皆古今分帙即用

此書之例也其二十四門初亦仍馬氏之目嗣以

宗廟考中用馬氏舊例附錄羣廟因而載入

敕建諸祠仰蒙

睿鑒周詳

繪音訓示申明禮制釐定典章載筆諸臣始共知尊卑

有分名實難淆恍然于踵謬沿訛之失乃恪遵

論旨分立羣廟一門又推廣義例於郊社門內分立羣

祀一門增為二十六門其子目於田賦增八旗田

制錢幣增銀色銀直及回部普兒戶口增八旗壯

丁土貢增外藩學校增八旗官學宗廟增安奉

聖容之禮封建增蒙古王公皆遵今制所有而加於市糴

刪均輸和買和糴選舉刪童子科兵考刪車戰皆

以今制所無而省在馬考所敘宋事雖以世家遺

蔭多識舊聞然計其編摩實在入元以後故典章

放失疏略不詳今則

聖

聖相承功成文煥

錄

記注具錄于史官公牘奏章全掌於籍氏每事皆尋源  
 竟委賅括無遺故卷帙繁富與馬氏原本相埒夫  
 尙書兼陳四代而周書爲多禮記亦兼述三王而  
 周禮尤備蓋監殷監夏百度修明文獻足徵蒐羅  
 自廣有不必求博而自博者矣

皇朝文獻通考總目

田賦考

臣等謹按周禮六官皆以體國經野著於卷端而九賦之制首載於天官冢宰誠以民惟邦本食爲民天度地以居民徹田而定賦因民之所利而利之俾厚其生而安其業故上下通而公私有濟王者代天子民未有不以民生國計爲本務者馬端臨文獻通考二十四門以田賦爲首其所見者誠大也今考其所載歷代田賦之制上溯陶唐迄於宋寧宗而於宋事尤詳所述四京一十八路墾田暨夏秋二稅見催額數以及支移折變預借代輸受納稅限之法無不畢備又別有水利田屯田官田諸門臣等承

詔續編自宋寧宗嘉定以後及遼金元明並循其例洪惟我

朝統一中外版圖之遠度越前古凡任土定賦之規多仍明舊而其隨宜損益者皆因時度地而酌協于中

世祖初併宇內卽除明季加派私增之弊訂定賦役全書頒行天下嗣是

列聖相承勸恤民隱蠲浮賦以蘇疲氓慎丈量以杜隱占所定科則至詳至當雖禹貢三壤之別周官九等之制度以尙茲矣加以地利日興汙萊漸闢墾荒召佃俾爲世業無曠土無浮民咸安其居樂事勸功洵法良而意美也至八旗王公以下各有莊屯田土其圈撥之制交糧之額載在會典宜大書以彰

昭代之洪規若夫

列祖

列宗暨我

皇上御極以來視民如傷周咨疾苦復除之令歲下振貸之澤有加此則恩施於常額之外者別見於國用考焉今首列正課次八旗田制次水利田屯田官田凡十二卷

田賦之制

直隸民賦田每畝科銀八釐一毫至一錢三分零不等米一升至一斗不等豆九合八抄至四升不等更名田國初以明代各藩所占田歸民墾種日更名田下做此每畝科銀五釐三毫至一錢一分七釐三毫不等農桑地每畝科銀一釐六毫八絲零蒿草籽粒地每畝科銀五分至七錢二分五釐一毫零不等華課地每畝科銀一分至六分不等歸併衛地每畝科銀七毫二絲至七分九釐三毫零不等米八合九勺七抄至九升七合二抄不等豆四合三勺八抄至三升六合不等草一分每十分爲一九釐二毫至四分一釐七毫零不等河淤地每畝科銀二分九釐至二錢五分六釐五毫零不等學田每畝科銀一分至二錢六分七釐八毫零不等小麥粟米各六升奉天民賦田每畝科銀一分至三分不等米二升八勺至七升五合不等退園地每畝科銀一分至三分不等豆四升三合至一斗不等

江南江蘇民賦田每畝科銀九釐至一錢四分一釐一毫零不等米豆一升四合七勺至一斗九升一合六勺零麥二抄至三勺零不等地每畝科銀

九釐至三錢三分三毫零不等米豆七合三勺至四斗一升六合七勺零麥一抄至八釐零不等山蕩灘灘每畝科銀九釐至一錢四分五毫零不等米豆三合四勺至一斗六升五合二勺零麥一勺至三勺零不等城基倉基屋基每間科銀五分七釐至一錢二釐四毫零不等米豆五升五勺至一斗二升六合三勺零麥一勺至二勺零不等歸併衛所地每畝科銀九釐至一錢四分一釐一毫零米豆一升四合七勺至一斗九升二合六勺零麥二抄至三勺零不等

安徽民賦田每畝科銀一分五釐至一錢六釐零不等米二合一勺至七升一合零不等麥五勺至八勺零不等豆八勺至九合一勺零不等地每畝科銀八釐九毫至六錢三分零不等米七合九勺至五升九合零不等麥八勺至一合一勺零不等塘每畝科銀一錢九釐至四分四釐零不等米四合七勺至七合八勺零不等麥一勺至二勺零不等草山每里科銀八分三釐桑絲每兩折銀三分二釐歸併衛所屯田每畝科銀一分至六釐不等衛所管轄屯地每畝科銀一分七釐九毫至二兩七錢二分一釐九毫零不等糧三合至二斗五升四合一勺零不等

山西民賦田每畝科銀一釐七絲至一錢零不等糧一合五勺至二斗七升不等屯地每畝科銀二釐三毫至一分四釐零不等糧一升八勺至一斗九合零不等更名地每畝科銀五釐至一錢四分不等糧七勺至一斗不等衛所屯地每畝科銀一

分四釐

山東民賦田每畝科銀三釐二毫至一錢九釐一毫零不等麥一勺至四合三勺零不等米二勺至三升六勺零不等歸併衛所地每畝科銀一分至六分五釐零不等更名田每畝科銀一分至三錢七毫零不等麥三合二勺零米一升八合零等由每畝科銀九釐至三錢不等地每畝科銀二分六釐五毫至四分四釐一毫不等麥一勺至四合一勺零不等米一升八合至二升八合四勺零不等衛所軍屯糧田每畝科銀一分至五分三釐八毫零不等條銀一分二釐至一分四釐不等衛所更名籽粒等地每畝科銀六釐至一錢二分不等河南民賦田每畝科銀一釐四毫至一錢二分七釐零不等米七勺至二升一合零不等更名地每畝科銀一分一釐至一錢二分九釐零不等歸併衛所地每畝科銀一釐六毫至一錢八釐零不等陝西西安民賦田每畝科銀二兩三錢八分一釐七毫糧五升八合五勺至五升二合五勺不等屯地每畝科銀二釐至九分八釐不等糧一升五合至三斗不等更名地每畝科銀六釐九毫至七分五釐一毫零不等糧四升二合五勺至一斗四升八合零不等

甘肅民賦田每畝科銀二錢至一錢五分四毫零不等糧三勺至八升一合一勺零不等草二分至四分六釐零不等歸併衛所屯地每畝科銀一釐一毫至六釐不等糧五升至六升不等更名地每畝科銀四釐八毫至一分七釐一毫零不等糧二

合二勺至一升四合一勺零不等草一分至九分二釐不等土司地每畝科銀七分五釐零糧二升四合一勺五抄零衛所管轄屯地每畝科糧四升一合八勺七抄零草五分八毫零番地每畝科糧四合至三升不等草二分一釐五毫至三分不等每戶輸銀三錢糧一斗至二斗五升不等監牧地每畝六釐

浙江民賦田每畝科銀一分五釐三絲至二錢五分五釐不等米三撮至一斗九升零不等地每畝科銀一釐四毫至二錢一分三釐二毫不等米八抄至一斗九升三合五勺零山每畝科銀五絲至一錢九分六釐三毫不等米六抄至五升三合七勺不等蕩每畝科銀四毫至七分三釐不等米五分四釐五毫不等米七撮至一升六合八勺不等湖地每畝科銀三分七毫米九勺五抄桑每株科銀一釐九毫至五釐六毫不等米一抄茶每株科銀一釐五毫米七勺地每畝科銀一分六釐一毫至一錢四分一釐四毫不等米三合七勺至三升七合不等歸併衛所地每畝科銀五釐五毫一絲至一錢四分九釐零不等米一斗五升七合五勺至二斗四升零不等

江西民賦田每畝科銀一釐三毫三絲六忽至一錢一分七釐一絲三忽零不等米一合四勺至一斗七合一勺五抄零不等地每畝科銀五絲四忽至一錢一分一釐一毫一絲八忽零不等米五勺二抄至五升一合一勺八抄零不等山地每畝科

銀五忽至六分二釐七毫一絲零不等米一勺七抄至一升四合七勺八抄零不等每畝科銀五絲四忽至一錢七分六毫七絲七忽零米一合一勺三抄至六升八合三勺七抄零不等歸併衛所屯田每畝科糧三升九合五勺九抄至二斗七升三合零不等每石折銀五錢每石又攤徵餘條等銀一釐九毫七絲五忽至四分八釐三毫八絲四忽零不等歸併衛所屯地每畝科糧七升九合七勺三抄至二斗二升八合三抄零不等每石折銀二錢歸併衛所餘地每畝徵餘糧銀四分一釐六毫六絲零自閩省改歸屯田每畝科銀九分四絲七忽至一錢一分四釐二毫四絲五忽零不等

湖廣湖北民賦田每畝科糧六抄至二斗九升一合四勺八抄零不等每石徵銀一錢五分四釐五毫至二兩九錢七分四釐一毫零不等更名田地每畝科糧四合九勺九抄至六升三合一勺不等每石徵銀四錢六分六釐歸併衛所屯地每畝科糧一升五合至九升九合六勺零不等衛所管轄屯地每畝科糧一升二合至一斗八升不等每石徵銀三錢至一兩三錢一分六釐六毫零不等

湖南民賦田每畝科糧二勺九抄四撮至一斗四升六合九勺零不等每石徵銀一錢二釐三毫八絲至一兩八錢四分四毫不等更名田地每畝科糧五合至一斗二升不等每石徵銀三錢七分三釐五毫至九錢二分四釐四毫不等歸併衛所屯地每畝科銀一釐九毫至一錢四釐三毫不等糧三合八勺至二斗不等每石徵銀一錢七分七釐

四毫至一兩二錢五分三釐一毫零不等岳州衛管轄屯地每畝科糧一升至一斗二升五合不等每石徵銀五錢六分苗疆地每畝科銀一釐五毫至三分六釐七毫九絲零不等

四川民賦田每畝科銀一釐五毫九絲至八分四釐九毫一絲零不等糧每斗折銀四分估糧每石折徵銀七分一釐二絲至七錢一分二釐零不等

歸併衛所屯地每畝科銀一分二釐五毫至三錢不等糧二斗七升二合七勺零每糧一石徵米五斗並八斗不等土司地每畝科銀三釐四毫至二分三釐一毫零不等衛所管轄屯地每畝科銀一分二釐五毫至二分不等米豆一升九合二勺九抄至八斗不等

福建民賦田每畝科銀一分六釐九毫至一錢六分一釐五毫零不等米一勺九抄至二升四合七勺零不等官折田園地自明代相沿凡職田沒官米止徵折色日每畝科銀八釐七毫至四錢一分

七釐五毫零不等學田每畝科銀六分四釐三毫至六錢九分九釐五毫零不等

廣東民賦田每畝科銀八釐一毫至二錢二分三釐二毫零不等米六合五勺至二升一合九勺零不等歸併衛所屯地科銀照民地科則米每畝八升八合八勺泥溝每條科銀四錢五分三毫零車地每方科銀三錢九分四釐零

廣西民賦田每畝科銀二分四毫至二錢一分二釐二毫零不等米三升七合至五升二合五勺不等官田每畝科米六升四合一勺至二斗七合七勺

勻不等猪田每畝科米三升至五升三合五勺糧田每畝科銀九釐至二分二釐二毫零米三升七合四勺至五斗三合五勺不等狼田每畝科銀九釐米四升八合四勺

雲南民賦田每畝科銀五釐五毫至四分六釐五毫零不等糧一升九合四勺至一斗五升零不等歸併衛所屯地每畝科糧五升九合二勺至八升一合八勺零不等馬場地每畝科銀三分夷地每畝科糧一升

貴州民苗田每畝科銀一分至六錢五分不等米五合一抄至四斗五升不等豆一斗土司田每畝科銀八釐至一錢不等米七合一勺二抄至一斗五升不等官田每畝科米二斗五升至五斗不等歸併衛所屯田每畝科銀一分四釐一毫至二錢三分四釐不等米五升二合五勺至三斗七升三合三勺零不等豆三升收二斗三升三合三勺至三斗一升一合四勺零不等學祭田每畝科銀一錢至四錢不等米二斗至四斗不等穀一斗至一石一斗七合八勺零不等租地每畝科銀三分至一錢不等山土每畝科銀一分二釐六毫至五分不等米五升菽一斗旱祭田每畝科銀一錢豆一斗官莊賑卹田每畝科米一斗四升九合至五斗不等穀四升一合三勺至一石二斗五升一合一勺零不等

臣等謹按賦役全書所載直省科則多寡不一就一州縣中或多至數十則大抵視其土壤肥饒戶

口多寡以為贏縮緒紛不可悉記今從會典取見行之則約其大凡如右

崇德二年令民別地卑濕高阜擇所宜以樹藝諭曰昨歲春寒耕耘失時以致乏穀今歲春復寒然農率不可違也宜勤耕種而加耘耔焉夫耕耘及時可望有秋若其失之蟲災水害穀何由登其令各屯該管官通行督率任土宜以樹秫稷黍穀毋曠情又

諭鎮守鳴海阿巴泰日爾當令鎮守各官勸飭農事不可以天寒姑緩種植誠于貝勒大臣勿聽人踐民田禾違命者鞭責罰贖

順治元年禁天下毋得正賦外再加火耗令各直省文臣齋錢糧冊籍以朝當是時民承故明加派之後望治甚切巡按順天御史柳寅東言解京錢糧頭緒紛雜有一縣正額止三千餘兩而條分四十餘項有一項錢糧止一兩六七錢而加費至二三十兩宜總計各款彙解以免賠累山東撫臣方大猷亦言錢糧款項宜清并刻由單俾熟地糧米實數定為一編使民易曉而御史甯承勳以賦役之制未頒官民無所遵守請敕所部於賦役全書外給易知由單一應無藝之徵通行裁革悉照

恩詔內或全免免半免三分之一者刊定冊書令天下識所遵行又綠明季內官縱恣紳衿優免踰額部臣議將各廠地租照御用監近例歸併有司徵解保定巡撫王文奎請免優免舊習甦小民取盈難派之困時御史衛周祚巡行畿甸見真定地方荒與亡居十六七請行清丈編審之法使丁地稅糧得符實數而山東向遭流寇焚掠地土荒蕪總河楊

考四八五七

方輿疏請以見在熟地為數其地荒者無論有主無主盡數除之俾民得沾實惠其言皆見採用以故明內監地畝錢糧總歸戶部管轄

定開墾荒地之例州縣衛所荒地分給流民及官兵屯種有主者令原主開墾官給牛種三年起科臣等謹按會典順治二年準新墾荒地免租稅一年又準河南地荒地畝令鎮協官兵開墾查係向來熟糧令一年後供賦蓋二年起科者原荒之田一年後供賦者原熟而地荒之田也

諭各撫按凡前朝宗室祿田散在各直省者與民間一例起科

二年

諭戶部曰國計民生首重財賦明季私徵濫派民不聊生朕救民水火蠲者蠲革者革庶幾輕徭薄賦與民休息而兵火之後多藉口方冊無存增賦任意此皆貪墨官胥惡害已而去籍使朝廷德意無由下究特遣大學士馮銓與公英俄爾岱往爾部徹底察核在內責成各該管衙門在外責成撫按將錢糧數目原額嚴核詳稽彙造賦役全書封進御覽是時總計天下財賦重地惟江南浙江江西三省蘇松嘉湖諸府尤最撫臣黃徽請以漕白一糧與歲貢絹布俱官兌官解以舒民累江西南瑞袁三府水漂沙塞虛糧懸欠巡按御史黃贊元請履畝清丈豁免荒地之賦其近山易旱近水易潦者上田改為輕則俱從之六年頒行易知由單戶科右給事中董篤行請頒行易知由單將各州縣徵起運存留本折分數

數漕白二糧及京庫本色俱條悉開載通行直省按戶分給以杜濫派從之

始定州縣以上官以勸墾為考成凡地方官招徠各處逃民不論原籍別籍編入保甲開墾荒田給以印信執照為準為業三年後有司親察成熟畝數撫按勘實奏請徵糧不得預徵私派州縣以勸墾之多寡為優劣道府以督催之勤惰為殿最每歲終載入考成至十五年定督撫一年內開墾荒地二千頃至八千頃以上道府開墾千頃至六千頃以上州縣開墾百頃至六百頃以上衛所開墾五十頃至二百頃以上分別議敘不準以二三年墾數合算

八年

世祖章皇帝親政以從前睿親王邊外築城加派九省額外錢糧二百五十餘萬兩令開除本年正賦尋以恩赦令有司按戶給還命御史分巡各省察民間利病蘇松巡按秦世禎因條上與除八事一曰田地令業主自相丈量明注印冊以清花詭一曰額定錢糧俱填易知由單設有增減另給小單使奸胥不能藉口一曰由單詳開總散數目花戶姓名以便磨對一曰催科不許濫差衙役設立滾單以次追比一曰收糧聽里戶自納簿糧俱加司府印封以防奸弊一曰解放先急後緩勒限掣銷不得分毫存留衙役之手一曰民差查田均派與排門冊對驗無使苦樂不均一曰備用銀兩每事節省額外不得透支布政司將徵解原冊一季一提年終報部扶同答隱者擬罪從之

是歲以山海關外荒地甚多民人願出開墾地者令山海道造冊報部分地居住

九年令八旗壯丁退出喇地並首告清出地及各省駐防遺下地照墾荒例招墾三年起科至十七年復以八旗撤出地畝向交各佐領收存以致荒蕪令地方官招民墾種十年準四川荒地官給牛種聽兵民開墾酌量補還價值又以陝西荒地令酌調步兵給發牛具籽種開墾屯田

又以直省州縣魚鱗老冊原載地畝坵段坐落田形四至等項開有不清者印官親自丈量

十一年訂正賦役全書四月戶部言賦役全書關一代制度查考舊籍貴詳盡無遺創立新規期簡明易曉請敕臣部右侍郎將舊籍全書作速訂正

董率各司官照所管直省創造新書仍同戶科詳加磨勘有應增減變通者小則部科酌定大則具疏奏請務求官民易曉永遠可行戶部又言人丁地土乃財賦本根故明舊例或三年或五年一行編審繕造黃冊呈進我朝定鼎以來尚未舉行宜自順治十二年為始責布政司彙造以便查稽隙地漏糧之弊俱從之

減江西袁州瑞州二府浮糧

定丈量規制凡丈量州縣地用步弓各旗莊屯地

用繩如有民地缺額督撫詳查開除至十二年頒部鑄步弓尺於天下廣一步縱二百四十步為畝

方廣十五步

有司於農隙時親率里甲履畝丈勘縱十六步以定疆界杜占爭均畝賦凡丈量之制州縣冊籍

原載坵段四至不清者丈欺隱率異有地無糧有糧無地者丈畝步不符賦則或浮者丈熟荒相聞旗民墮竈以及邊地民番相錯者丈壤界相接畛域不分者丈荒蕪召墾膏糧分隸者丈水衝沙壓公占應抵應豁者丈瀕江瀕海之區五年一丈視其或漲或坍分別升免

十二年各邊口內曠土聽兵墾種不得往墾口外牧地

十二年

諭戶部曰帝王臨御天下必以國計民生為首禹貢則壤定賦周官體國經野其法至詳且備當明之初取民有制休養生息至萬曆開海內殷富家給人足及乎天啟崇禎之際因兵增餉加派繁興貪吏滋奸民不堪命國祚隨失良辰深鑿朕荷天休命為生民主一夫不獲亦疾朕懷凡御服膳羞深自損約然而

上帝

祖宗百神之祀軍旅燕饗犒賜之繁以及百官庶役餼廩之給罔不取之民間誠恐有司額外加派豪蠹侵漁中飽民生先因國計何資特命爾部右侍郎王宏祚將各直省每年額定徵收起存總散實數編撰成帙詳稽往贖酌量時宜凡有參差遺漏悉行駁正錢糧則例俱照萬曆開其天啟崇禎時加增盡行豁免至若漕白雜項或已改折或解本色或有昔未詳而今宜增昔太尤而今宜裁者俱細加清核條貫井然綱舉目張勒成一編頒示天下庶使小民遵茲定式便於輸將官吏奉此章程罔敢苛斂為一代良法垂萬世成規時賦役全書外又輔以會計赤歷丈量諸冊賦役全書者先開地

丁原額繼開荒亡次開實徵又次開起運存留起運分別部寺倉口存留詳列款項細數繼有開墾地畝招徠人丁續入冊尾每州縣各發二部一存有司查考一存學宮令士民檢閱丈量冊以田為主諸原隲橫行下濕沃瘠沙鹵之形畢具而黃冊則準於戶口詳其舊管新收開除實在之數條為四柱與賦役全書相表裏赤歷每年頒發一屬開列戶口錢糧數目一備磨真一令百姓自登納數

令布政司歲終磨對會計冊則備載州縣正項本折錢糧凡起解到部逐項註明年月日期解戶姓名以杜侵欺併稽完欠其徵收則行一條鞭法給以易知由單一條鞭者以府州縣一歲中夏稅秋糧存留起運之額通為一條總徵而均支之至運輸給募皆官為支撥而民不與由單之式則每州縣開列上中下地正雜本折錢糧末編總數刊成定式每年開徵一月前給散花戶使民通曉而又佐以截票申票印簿循環簿及糧冊奏銷冊截票之法開列實徵地丁錢糧數目分為十限每月限完一分截票其票用印鈐蓋就印字中分而為兩

一給納戶為憑一留庫櫃存驗即所謂申票也印簿由布政司頒發令州縣納戶親填入簿季冬繳司報部糧冊則以各區納戶姓名細數繕造成冊務與一甲總額相符易於摘比循環簿者照賦役全書款項急者居先緩者居後按月循環徵收奏銷冊者以各直省錢糧支解完欠按年分款彙造清冊歲終送府由府送司由司送部據以銷算者核時直省奏報錢糧又有所謂無序冊者其所載

條件即奏銷冊數目也順治初議定每歲造送康熙四年以其糜費無益令承行停止

令民間種植樹木以補耕種地方官加意勸課如私伐他人樹株者按律治罪是年山東無主荒地每五里設一官莊借給資本二年償還後照熟地例起科又以州縣招人開墾勢必給發牛種以資耕作令於原獲屯息米豆草束內動支其地方去原貯本色稍違者量動屯本銀給發次年繳還一半三年照數全納

十四年令各省屯地已經歸併有司者廣行招墾有殷實人戶能開至二千畝以上者照遼陽招民例錄用

十五年

命御史二員詣河南山東二省督率州縣履畝清丈分別荒熟實數其地畝大小及丈量繩尺悉照舊規不得任意盈縮凡丈量地畝遲延限期及丈量後不即確報不送文冊徵催又不申詳及監丈官互相推諉者州縣衛所官及該管上司俱罰俸又直省田土查明萬曆開賦役全書與今賦役全書數符者不必清查其餘有荒蕪田畝地方選委廉幹官員履畝清查無得隱漏派累小民又以山東明藩田產相沿以五百四十步為一畝租銀比民地倍輸今令照民地例概以二百四十步為一畝時江西道御史許之漸言財賦之大害莫如蠹役有蠹在收者有蠹在解者有蠹在堤比者有蠹在挪移支放者所侵累萬盈千有司恐此蠹一斃無從追補故官以參罰去而此蠹歷久尚存前無所懲後無所誠請



敷撫按將從前侵蠹姓名數目逐一清查籍其家業優多者立臬市曹侵少者即時流配捐此所侵之數以清積蠹之源工科給事中史彪古又言國家之財用原取足於正供乃今之州縣有一項正供即有一項加派應救直省撫按將見行申飭私派之令刊入易知由單使閭閻之民共曉德意歲終仍取所屬印結報部以憑察核庶私派止而公輸裕

上以所奏皆深切時弊令所司議行

十六年準陝西虜施縣地五畝零折正一畝甘泉縣地三畝零折正一畝令地方官踏丈照舊徵賦至康熙七年又以陝西洛川縣地八畝零折正一畝宜川縣地四畝折正一畝令文明改正十八年令州縣官不許私室稱兌錢糧凡州縣各置木櫃排列公衙門首令納戶眼同投櫃以免剋扣凡布政司及州縣徵收錢糧均遵部頒法馬稱兌勿令吏胥高下其手工科給事中陰應節言錢糧之弊一州縣挪移一紳士包攬一土豪冒名紳戶一隔縣寄莊抗糧請飭該撫嚴查懲治部議如所請從之  
又以江南蘇松等府地糧荒熟混消莫辨令州縣官履畝踏勘分析圖戶造冊申報上司嚴核是年巡按河南御史劉源濟言南陽汝寧荒地甚多急宜開墾移無人承種之地耕熟後往往有人認業遂起訟端三年起科雖有定例開種之初雜項差役仍不能免此官雖勤耕而民終裹足不前也嗣後請令該地方官先給帖文開列姓名年月並荒

田四至坐落每歲申詳上司以息爭訟寬徭役以恤窮黎借常平倉穀以資農本各州縣以勸墾之多寡分別優劣部議如所請從之  
是年總計天下田土共五百四十九萬三千五百七十六頃四十畝田賦銀二千一百五十七萬六千六兩糧六百四十七萬九千四百六十五石各有奇

順天永平保定河間正定順德廣平大名八府延慶保安二州計四十五萬九千七百七十二頃四十五畝有奇田賦銀一百八十二萬四千一百九十一兩米一萬二千二百一十石籽粒四十三石豆七千三百三十八石各有奇

奉天錦州二府計六百九頃三十三畝有奇田賦銀一千八百二十七兩有奇  
江南省計九十五萬三千四百四十五頃一十三畝有奇田賦銀四百六十六萬二千七百三十九兩米二百七十四萬五千一百一十三石麥一萬九千四百七十二石豆二萬三千九百三十二石各有奇

山西省計四十萬七千八百七十一頃二十五畝有奇田賦銀二百二十萬五千五百四十五兩糧四萬五千九百三十一石各有奇  
山東省計七十四萬一千三百三十六頃六十五畝有奇田賦銀二百三十八萬九千一百零二兩八千六百一十一石米三十六萬六千五百八十八石七百三十一石各有奇  
河南省計三十八萬三千四百三頃九十七畝有

奇田賦銀一百八十萬九百四十三兩糧二十三萬七千四百四十一石各有奇

陝西省計三十七萬三千二百八十五頃八十八畝有奇田賦銀一百四十三萬六千三十三兩糧六萬一千八百五十一石各有奇

浙江省計四十五萬二千二百一十六頃一畝有奇田賦銀二百五十七萬二千五百九十二兩米一百三十六萬一千三百六十七石各有奇

江西省計四十四萬四千三百三頃八十五畝有奇田賦銀一百七十二萬六千九百七十兩米九十三萬八千七百五十三石各有奇

湖廣省計七十九萬三千三百五十三頃七十一畝有奇田賦銀一百八萬八千五百九十七兩南糧二十三萬八千五百八十二石漕米二十二萬二千一百九石各有奇

四川省計一萬一千八百八十三頃五十畝有奇田賦銀二萬七千九十四兩米九百二十八石有奇

福建省計一十萬三千四百五十七頃五十四畝有奇田賦銀七十五萬八千六百二十二兩米一十萬九千六百六十一石各有奇

廣東省計二十五萬八千三百九十九頃八十七畝有奇田賦銀八十四萬七千九百六十一兩米二萬七千六百六十八石各有奇

廣西省計五萬三千九百三十八頃六十五畝有奇田賦銀一十九萬九千六百五十四兩米九萬四千二百九十九石各有奇